



---

Kommunalbestyrelsi 25. februar 2021 nal. 9:00

---

Kommune Qeqertalik Kommunalbestyrelsi  
02-2021

|                         |    |
|-------------------------|----|
| Hansen, Ane             | IA |
| Olsen, Peter            | IA |
| Broberg, Bia A.         | IA |
| Nathanielsen, Karl Thue | IA |
| Aronsen, Hans           | IA |
| Petersen, Thomas        | IA |
| Kristensen, Niels       | IA |
| Jeremiassen, Kristian   | IA |
| Jeremiassen, Nikkulaat  | S  |
| Sandgreen, Enok         | S  |
| Mølgaard, Timooq        | S  |
| Jeremiassen, Otto       | S  |
| Frederiksen, Ole I.     | S  |
| Broberg, Kristian       | S  |
| Kristensen, Naja        | A  |

**Ataatsimiinnermi aqutsisoq:**

Ane Hansen, IA

**Allatsi:**

Kulunnguaq Reimer Olsen

**Ataatsimiinneq:**

Skypekut

**OQALUUSERISASSAT**

|                                                                                                       |    |
|-------------------------------------------------------------------------------------------------------|----|
| 21-002 Aasianni meeraaqqeriviit, meeqqeriviit iPadinik sulinerminni atortorissaaruteqalernissai ..... | 3  |
| 21-003 Qeqertarpaat Tusaataanut kiffartuussinissamik isumaqatigiissut .....                           | 6  |
| 21-004 Iginniarfimmi qamutit sisamanik assakaasullit taarsernissaat .....                             | 9  |
| 21-005 Kangaatsiami illup B-322-ip attartortakkap attartortagaajunnaarnikut iluarsaannissaa .....     | 11 |
| 21-006 Qeqertarsuup eqqaani Kuannit misissorneqarnerat .....                                          | 13 |
| 21-007 Siunnerfik - Suliniummut ataqatigiissaaresumik atorfirmik pilersitsineq .....                  | 15 |
| 21-008 DSP Qeqertarsuaq sneescooterinik pisinissamut qinnuteqaataa .....                              | 17 |
| 21-009 www.qinersineq.online Kommune Qeqertallip ilisarnaataata atornissaa qinnuteqaat .....          | 20 |
| ATAATSIMIINNEQ NAAVOQ: .....                                                                          | 22 |
| ATSIORFISSAQ: .....                                                                                   | 22 |

|                      |                                          |
|----------------------|------------------------------------------|
| <b>Oqaluuserisag</b> | <b>Oqaluuserisassat akuerineqarnerat</b> |
|----------------------|------------------------------------------|

**Oqaaseqaatit:****AALAJANGERNEQ:**

|  |
|--|
|  |
|--|

|               |                                                                                                        |           |    |  |  |
|---------------|--------------------------------------------------------------------------------------------------------|-----------|----|--|--|
| Sag nr.       | 21-002                                                                                                 | Bilag nr. | 02 |  |  |
| Oqaluuserisaq | <b>21-002 Aasianni meeraaqqeriviit, meeqqeriviit iPadinik sulinerminni atortorissaaruteqalernissai</b> |           |    |  |  |

**Eqikkaaneq:**

Aasianni

upernaq iPad 10.klassen atuartut utertitaat atorluarumallugit Aasianni meeraaqqerivinni, meeqqerivinni iPadinik suliaqarnissamut siunertalimmik atugassanik aalajangersimasunik amerlassusilikkani pilersitsinissaq tullinnguuppoq.

**Suliap saqqummiunneqarnera:**

Meeqqeriviit meeraaqqeriviillu tamarmik meeqqat inerikkiartuutaasumik perorsarneqarnissaat siammassumik suliarisarpaat. Ullutsinni meeqqat ineriartornerup nassataanik digitalip silarsuaanik atuisarlutik angerlarsimafimminni sungiusimalereerpaat, taamaattumik meeqqat digitalimik atuillutik ulluunerani meeqqerivinni ineriartuutaasumik siunertalimmik atuilersikkiartornissaat anguniarneqarpoq. Sulisullu meeqqanik ilinniartitsinissaminut digitalimik sulinerminni aallartinnermi pingaarutit ilagivaat, sulisutut ataasiakkaatut suleqatigiittullu ataatsimoorussamik suliffeqarfiup iluani digitalimik qanoq atuinnissaq nalilersueqatigiilluni suleriesissanik aalajangersaanissaq<sup>1</sup>. Kommune Qeqertalimmi iPad atuilernissamut aallartitsineq sulisut assigiimmik siunnerfeqarnissaat qulakkeerumallu angajoqqaat assigiimmik ersarissumillu ilisimatinnissaat pingaaruteqarpoq. Meeqqanut iPadimik atuillutik qanoq perorsarneqarnissaat suliffeqarfiup qanoq suleriesissioinnissaannut peqataanissaminut periarfissinneqassallutik<sup>2</sup>. Meeqqat digitalimik atuinermi naqqaniik tunngavilerneqarnissaannut tunngavissillugit, suliaqarluni siunertalimmut iPad atorlugu isiginnittaaseqalernissaat siunertarineqarpoq. Meeqqat meeqqerivinni iPad atorlugu, suliaqarnerminni sulisut meeqqat ataasiakkaat pillugit takussutissiorsinnaalissapput. Angajoqqaat aallerneranni, meeraq pillugu ataatsimiinnermi toqqaannartumik assinik anillatsitseqqaanngikkaluarluni TV atorlugu assinik sarsuasartussanik takusassaqaalissapput. Meerarluni ulluunerani meeqqerivimmiinnerminni suleriesimanerluni assit taakku iluaqutsiullugit oqaasertalersuisinnaangussaaq.<sup>4</sup> Meeqqap oqaasertusarnermini suliaqarnermini misigisai, suliai, assit, videoklippit atorlugit meeraqatini saallugit oqaasertalersuilluni saqqummiisinnaangussaaq. Kommune Qeqertalimmi meeqqat atuartunngorsarneqarnissaannut siunertamut digitali atorlugu piginnaasaqalereernissaa qulakkeerneqarnissaaq.

**Inatsit toqqammavigneqartoq:**

- Meeqqanut suli atuinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

<sup>1</sup> Ilanngussaq 1: Digital- Sulinerminni periusissatut imminut nalilerneq

<sup>2</sup> Ilanngussaq 2: Digitali atorlugu oqaloqatigiinnermi kortit

<sup>4</sup> Ilanngussaq 4: Videoklip Qeqqata Kommunea-ni meeqqerivinni iPadinik atuilluni takutitassiaaqqat.

Kapitali 1, Pingaarnerusutigit aalajangersakkat

§ 1. Inatsisartut inatsisaata matuma meeraq qitiutillugu, meeqqamullu angajoqqaatut oqartussaasut imaluunniit meeqqamik pilersuisiusut suleqatigalugit, meeqqanut ataasiakkaanut sulii atualinngitsunut pitsaanerpaamik ikorfartuinissaq qularnaassavaa, tassuunakkut meeqqap peqqissumik imaqluortumillu ineriikkartornissaa qularnaarumallugu.

§2-imi Imm. 2. Meeqqat sulii atualinngitsut akornanni perorsaanikkut suliat, Inatsisartut inatsisaat manna naapertorlugu ingerlanneqartut tamarmik, angajoqqaatut oqartussaassuseqartut imaluunniit meeqqamik pilersuisiusut meeqqamullu attaveqaataasut suleqatigalugit pissapput. Suliaq ingerlanneqassaaq atuarfimmuit ikaarsaariarlunissaq siunertarlugu piginnaasat tunngaviusut ilikkariartornissamullu kajumissutsip inerisarlugillu tapersorsornerisigit, aamma meeqqap inooqatigiissutsikkut nalinginnaasumillu pisinnaasanik pigiliussiniarnerani kaammattuillunilu inerisaanikkut.

#### **Aningaasatigit inissisimanerat.:**

Aallaqqaammuit siunertaavoq Interneteqarani iPadimik atuinermik sungiusarnissaq. Kingornali

siunertarineqarpoq Internetimik attaveqalernissaat, Internetimik attaveqalerniarnermi aningaasatigit imannak malunniunnessaa naatsorsuutigineqarpoq:

- Kommune Qeqertalimmi TELE Greenlandimut kiffartuussinermi akiliutigisartakkamut meeqqeriviit meeraaqqeriviillu ilanngutsinniarneqarnerat.
- Ipad TV-inik TV-it ikkussuiffiginissai qulinik atorfissaqartinneqarput, MDM pisinnaatitsissut, kabeli aaliangerfialu. Taakkulu ima naleqarput:

| Suussusaa                                                           | Akia         | Amerlassusai | Akia                 |
|---------------------------------------------------------------------|--------------|--------------|----------------------|
| APPLE TV 4K 32GB *Pisinermi<br>eqqaamasassaq: MDM pisinnaatitsissut | 1.200,00 kr. | 10           | 12.000,00 kr.        |
| MDM pisinnaatitsissut 36 qaammatit.<br>Ataatsimut akeq.             | 178,20 kr.   | 10           | 1.782,00 kr.         |
| AppleTV aalajangerfia                                               | 295,00 kr.   | 10           | 2.950,00 kr.         |
| <b>Katillugit</b>                                                   |              |              | <b>16.732,00 kr.</b> |

- Aningaasartuutissat meeqqeriviit namminneq akilissuaat. Konto 5-10 Atortussarsiarnermi pisinermi.

#### **Saqqummiussaq akuersissutigineqassappat tunngavilersuutit:**

Allattoqarfiup inassuteqaat akuersissannorlugu inassutigineqarpoq.

#### **Ilanngussat**

Ilanngussaq 02-01 Digital- Sulinermi periusissatut imminut nalilerneq

Ilanngussaq 02-02 Digital dialog kort DK

Ilanngussaq 02-02 Digitali atorlugu oqaloqatigiinnermi kortit

Ilanngussaq 02-03 vejledning-til-digital-dialog

Ilanngussaq 02-04 Videoklip Qeqqata Kommunea-ni meeqqerivinni iPadinik atuilluni takutisassiaaraq. Uani

linkimi takuneqarsinnaapput: <http://www.atuarfiit.gl/meeqqeriviit/?lang=da>

**AALAJANGERNEQ:**

Ataatsimiititaliaq Inuit ulloq 3. Februar 2021 ataatsimiinnerminni aalajangernerat:

Inassuteqaat akuerineqarpoq.

Inoqarfinni tamani Ipad-inik siunissaq qaninnerusoq atuisoqalernissaat kissaatigineqarpoq.

**AALAJANGERNEQ:**

Ataatsimiititaliaq Inua ulloq 17. Februar ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**

|                      |                                                                              |                   |           |                    |  |
|----------------------|------------------------------------------------------------------------------|-------------------|-----------|--------------------|--|
| <b>Suliap nr.:</b>   | <b>21-003</b>                                                                | <b>Ilanng. nr</b> | <b>03</b> | <b>Journal nr.</b> |  |
| <b>Oqaluuserisaq</b> | <b>21-003 Qeqertarpaat Tusaataanut kiffartuussinissamik isumaqatigiissut</b> |                   |           |                    |  |

**UTEQQIINEQ:**

Ataatsimiitsitaliaq Timi Tarnilu 13. Maj 2020 ataatsimiinnerminni aalajangerput, Qeqertarpaat Tusaataata kiffartuussinissamut atatillugu qinnuteqaataa 350.000 kr-mik aningaasartaqartoq akuerineqassasoq. Isumaqatigiissut 31. Juli 2020-mut killeqarpoq, ilanngullugulu aalajangiunneqarpoq tamassuma kingorna naalaakkersuinikkut isummertoqassasoq, isumaqatigiisummik pilersitsisoqassanersoq. Tamanna toqqammavigalugu allattoqarfik kiffartuussinissamik isumaqatigiisummik siunnersuuteqarpoq.

**SULIAP SAQQUMMIUNNEQARNERA:**

2020 ingerlanerani allattoqarfiup Qeqertarpaat Tusaataat arlaleriarluni naapeqatigisimavaa, isumaqatigiisummumut atatillugu ajunngitsumik suleqatigiinnissaq qulakkeerniarlugu. Qeqertarpaat Tusaataat Kommune Qeqertalik suleqatigiillutik, qaammatikkaartumik aallakaatitsiffissat pilersaarusiortassavaat. Kommune Qeqertalimmi innuttaasunut tusagassiisarneq pillugu sullissinissamik isumaqatigiissut malillugu Qeqertarpaat Tusaataata suliaasai tassaapput:

- Nalunaarutiniq sunilluunniit innuttaasunut nalunaarutigineqartussanik nalunaaruteqarneq. Nalunaarutit ullormiit ullormut Kommune Qeqertalimmi inoqarfinni tamani, kommunip allaffiiniit nassiuunneqartut toqqaannartumik atuaannagassat, siumoortumik immiunneqareersimasut ilanngullugit.
- Ataatsimiititalianik ilisarititsinerit aamma tusagassaqaqtitsinerit; suliat suunerinik, aamma siunniussinernik imaqartussat.
- Sanaartugassanik assigisaannillu suliaqartoqassatillugu kommunip kissaateqarneratigut saqqummiussinerit.
- Aasianni ingerlanneqartuni kommunip aaqqissugaanik toqqaannartumik aallakaatitsinerit, taassuma ataani katersortarfimmit, timersortarfimmit, kulturikkut/timersornikkut assigisaannillu aaqqissuussat. Qeqertarpaat Tusaataat 93 MHz peqataatillugu aallakaatitsinerit ingerlanneqartassapput. Kommune Qeqertalimmi sumiiffinni allani annertuumik pisoqartillugu innuttaasut peqatigalugit tusagassiineq.
- Aasianni innuttaasunik ataatsimiititsinernit toqqaannartumik aallakaatitsinerit.
- Kommune Qeqertalimmi najukkami ataatsimiititaliat sulinerannik malinnaaneq, aamma innuttaasunut attuumasunik peqartillugu aallakaatitsinikkut sammisaqarnerit.

Aallakaatitassiat pitsaassusai qaammatikkaartumik nalilersorneqassapput, isumaqatigiisummullu naapertuutinnigittutut isumaqarfigineqarpat isumaqatigiissut unitsinneqarsinnaavoq. Isumaqartoqarpat isumaqatiissut unitsinneqassasoq, tamanna qaammatip ataatsip qaangiunnerani nalunaaruteqarnermiik unitsinneqassaaq. Qaammatikkaartumik kingumut akiliisoqartassaaq.

**Aaqqiissutissatut siunnersuut**

Allattoqarfiup innersuussutigaa Kommune Qeqertalimmi innuttaasunut tusagassiisarneq pillugu sullissinissamik isumaqatigiissut akuerineqassasoq.

**ANINGAASATIGUT KINGUNISSAI:**

Kommunalbestyrelsi 30. April 2019 ataatsimiinnerminni aalajangerput, kiffartuussinermut isumaqatigiissutip aningaasalerneqarnera konto 59-00 ataaniittut atorlugit piviusunngortinneqassasoq. 2021-mut missingersuutip ukiup siulianut sanilliullugu allannguuteqarnera pissutaalluni, allattoqarfik siunnersuuteqarpoq kontot uku atorneqassasut:

|                      |                |             |
|----------------------|----------------|-------------|
| Konto 59-01-10-35-00 | Aasiaat        | 196.000 kr. |
| Konto 59-00-35-35-00 | Kangaatsiaq    | 35.000 kr.  |
| Konto 59-00-30-35-00 | Qasigiannnguit | 66.000 kr.  |
| Konto 59-00-40-35-00 | Qeqertarsuaq   | 53.000 kr.  |

**Massakkut uninngasuutit**

|                      |                |               |
|----------------------|----------------|---------------|
| Konto 59-01-10-35-00 | Aasiaat        | 1.200.000 kr. |
| Konto 59-00-35-35-00 | Kangaatsiaq    | 130.000 kr.   |
| Konto 59-00-30-35-00 | Qasigiannnguit | 250.000 kr.   |
| Konto 59-00-40-35-00 | Qeqertarsuaq   | 500.000 kr.   |

**Atuereernermi uninngasuutit**

|                      |                |               |
|----------------------|----------------|---------------|
| Konto 59-01-10-35-00 | Aasiaat        | 1.004.000 kr. |
| Konto 59-00-35-35-00 | Kangaatsiaq    | 95.000 kr.    |
| Konto 59-00-30-35-00 | Qasigiannnguit | 184.000 kr.   |
| Konto 59-00-40-35-00 | Qeqertarsuaq   | 447.000 kr.   |

Kiffartuussinissamut isumaqatigiissut ingerlatillugu ukiumut katillutik 350.000 kr-nik naleqarput.

**KINGUNISSAI:**

Qeqertarpaat Tusaataanut kiffartuussinissamik isumaqatigiissusiornerup kingunerissavaa kommunip innuttaasunut paasisutissiinerup pitsanngorsarneqarnera.

**INATSISITIGUT TUNNGAVIUSOQ:**

- Kulturikkut ingerlatsineq sunngiffimmilu sammisaqartitsineq pillugit Inatsisartut inatsisaat nr. 5, 6. Juni 2016-meersoq
- Politikkikkut toqqammaviumik isumaqatigiissut, Inuit Ataqatigit, Atassullu Kommune Qeqertalimmi Kommunalbestyrelsimi suleqatigiinnissamik isumaqatigiissutaat 5. marts 2019 imm. 3: "Kulturikkut naleqartitavut timersorneq, qimusserneq, nipilersorneq, erinarsorneq, isiginnaartitsineq, atuakkiorneq, filmiliorneq, inuiattullu nutaaliortuarnerput pingaartillugu ineriartortitsissaagut".

**INASSUTEQAAT:**

Allattoqarfiup inassutigaa:

- Aaqqiissutissatut siunnersuut akuerineqassasoq
- Aningaasartuutit konto 59-00 aamma 59-01 atorlugit akilerneqassasut
- Suliaq Kommunalbestyrelsimut aalajangigassanngorlugu ingerlateqqinneqassasoq

**ILANNGUSSAT:**

- Ilanngussaq 03-01 - Kommune Qeqertalimmi innuttaasunut tusagassiisarneq pillugu sullissinissamik isumaqatigiissut
- Ilanngussaq 03-01 - Servicekontrakt vedrørende information til borgerne i Kommune Qeqertalik

**AALAJANGERNEQ:**

Ataatsimiititaliaq Timi Tanilu ulloq 4. Februar 2021 ataatsimiinnerminni aalajangernerat:

Inassuteqaat akuerineqarpoq.

Kommune Qeqertalimmi inoqarfinni tamani Qeqertarpaat tusaataata aallakaatitassiai

tusarnaarneqarsinnaaneri misissorneqassaaq.

**AALAJANGERNEQ:**

Ataatsimiititaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**



|               |                                                                     |            |    |             |  |
|---------------|---------------------------------------------------------------------|------------|----|-------------|--|
| Suliap nr.:   | 21-004                                                              | Ilanng. nr | 04 | Journal nr. |  |
| Oqaluuserisaq | 21-004 Iginniarfimmi qamutit sisamanik assakaasullit taarsernissaat |            |    |             |  |

**EQIKKAANEQ:**

Iginniarfimmi qamutit sisamanik assakaasullit (ATV) aserorsimapput. Taakkulu kisiartaallutik nunaqarfimmi aputeqannginnerani ingerlatsinermi ingerlassutaallutik.

**SULIAP SULIARINEQARNERA:**

Iginniarfimmi ingerlatsinerne qamutit sisamanik assakaasullit (ATV) pisariaqarput. Massakkumut ATV-iit atorneqartut nutaanngilillutik aserfallakkiartornerminni aserorsimapput. Taakku Iginniarfimmi kommunip susassa qarfiisa iluani atorluarneqartarput. Sulisunullu annertuumik sulinerannut oqilisaataasuullutik. Eqqaavilerinermi, anartarfilerinermi, orsersuinermi, sillimaniarnermi atortussanillu assartuutitut atorneqartarput. ATV-iit nutaanngilinikuugamik aaqqissornissaanut taartissanik pissarsinissaq ajornalersimavoq. Taamaasilluni nutaanik ingerlassutinik pisariaqartitsisoqarluni.

Arfersiorfimmi piniariat illuarassaanik pilersaaruteqarneq misissuereernissap tungaanut kinguartinneqarallarsinnaavoq taavalu Kangaatsiami sullissivimmi akissarsiassat missingersorneqarsimasut ilanngarnerisigut aningaasat ATV-mik pisinissamut nuunneqarsinnaapput. Akissarsiassatut missingersuutit ilanngarneqarunik ukiup missingersuiffiusut 2021-ip iluani ajunaarutaassanngillat. Sulisussarsiornerit arlaqartut sulii inuttassarsineqanngimmata.

**INATSIT TUNNGAVIUSQ:**

Soqanngilaq.

**KINGUNISSAI:**

Qamutitik sisamanik assakaasulinnik pissarsinermi Iginniarfimmi innuttaasunik sullissineq pitsaanerusumik ingerlanneqalissaaq. Sulisullu atungassarititaat pitsanngortinneqarlutik. Ulluinnarni kommunip susassa qarfiini sullissineq nalinginnaasumik ingerlanneqalissaaq.

**ANINGAASATIGUT KINGUNISSAI:**

Missingersuutaasuniit suliassanik ukiup tullianimut pilersaarutitik nuussinermi pisineq pisinnaavoq. ATV neqeroorutigineqartoq kr. 75.000 naleqarpoq.

Aningaasanik aallerfissat konto:

Konto: 23-10-35-15-00: kr. 70.000

Konto: 11-00-35-01-10: kr. 10.000

Konto nuussiffigineqartussaq:

Konto: 23-20-70-15-00

**SULIAP SULIARINEQARFIA:**

Kommunalbestyrelsi

**INASSUTEQAAT:**

Allattoqarfiup Ataatsimiititaliaq INOQARFIK siunnersorpaa

Aningaasanik ingerlatsinermi atungassanik nuussinissaq akuerissagaa, aalajagiiffigereeruniullu

Ataatsimiititaliaq INUA-nut ingerlateqqissallugu. Naggataatigullu Kommunalbestyrelsimut ingerlateqqissallugu.

**ILANNGUSSAT:**

Ilanngussaq 04-01:                    ATV-mut neqeroorut.

**AALAJANGERNEQ:**

Ataatsimiititaliaq Inoqarfik ulloq 10. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**

Ataatsimiititaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**

|                      |                                                                                                     |                   |           |                    |  |
|----------------------|-----------------------------------------------------------------------------------------------------|-------------------|-----------|--------------------|--|
| <b>Suliap nr.:</b>   | <b>21-005</b>                                                                                       | <b>Ilanng. nr</b> | <b>05</b> | <b>Journal nr.</b> |  |
| <b>Oqaluuserisaq</b> | <b>21-005 Kangaatsiami illup B-322-ip attartortakkap attartortagaajunnaarnikut iluarsaannissaa.</b> |                   |           |                    |  |

**EQIKKAANEQ:**

Illu B-322 Kangaatsiamiittup ruujoriisa qaararnerisa kingorna annertuumik suliassanngornini pissutigalugu attartortakaniit peerneqarnikuuvoq. Iluarsaanneqarunilu Kangaatsiami sulisutaarnermi aningaasartuutaasartut annikillilerneqarsinnaallutik.

**SULIAP SULIARINEQARNERA:**

B-322 Type JAK 4-mik taaguuteqarpoq 48 m<sup>2</sup> angitigaluni qaliaqarani, 1969-imilu sanaajulluni. B-322 ukioq 2018 attartortut aallaqqaneranni illu ruujorii issimik qaarartoornikuupput, taamaasilluni illu attartorteqqitassatut tulluarnunnaarluni. Iluarsartuunnissaa akisuallaalerluni. Illu piginnittumut Kommune Qeqertalimmut attartortagaajunnaarluni uterteqqinneqarnikuuvoq ukioq 2019.

Ukioq 2020, maj. kommunimi sulisunik igaffia piiarneqarpoq qanoq annertutigisumik suliassaanersoq misissorniarlugu. Suliap unitsinneqarnikuuvoq atortussat qanoq annertutigissanersut misissorneqarlutik.

Kangaatsiami sulisunik nutaanik atorfinitsitsineri inimik inissikkallarfeqanngilaq (vakantbolig). Tamannalu peqqutigalugu sulisunik nutaamik atorfinitsitsineri aningaasartuutit annertusarlutik. Sulisut nutaat unnuisarfinnik attartornermi inissikkallarneqartarput initaarnissaata tungaanut. Kangaatsiamilu inissaaleqisoqarmat tamanna sivilusinnaasarluni.

**INATSIT TUNNGAVIUSOQ:**

Soqanngilaq.

**KINGUNISSAI:**

Illu iluarsaanneqarpat Kangaatsiami suliartortut kommunip vakantiutaanut inissikkallarsinnaalissapput.

**ANINGAASATIGUT KINGUNISSAI:**

Illumik suliartortunut inissikkallarfiliornermi unnuisarfinnut aningaasartuutit annikillissapput. Akissarsiasatut missingersuutit ilanngarneqarunik ukiup missingersuiffiusut 2021-ip iluani ajunaarutaassanngillat. Sulisussarsiornerit arlaqartut suli inuttassarsineqanngimmata.

Aningaasanik aallerfissaq:

Konto: 11-00-35-01-10: kr. 300.000

Sanaartornermi konto atungassaq:

Konto: 70-04-35-50-62

**SULIAP SULIARINEQARFIA:**

Kommunalbestyrelsi

**INASSUTEQAAT:**

Allattoqarfiup Ataatsimiititaliaq INOQARFIK siunnersorpaa

Aningaasanik ingerlatsinermi atungassanik nuussinissaq akuerissagaa, aalajagiiffigereeruniullu Ataatsimiititaliaq INUA-nut ingerlateqqissallugu. Naggataatigullu Kommunalbestyrelsimut ingerlateqqissallugu.

**ILANNGUSSAT:**

- Ilanngussaq 05-01: Illup iluata titartagartaa kiisalu sortaagut imeq kuussimanersoq.  
Ilanngussaq 05-02: Assit, illup iluani silataanilu.  
Ilanngussaq 05-03: Illup suliarinissaanut neqeroorut.

**AALAJANGERNEQ:**

Ataatsimiititaliaq Inoqarfik ulloq 10. Februar 2021 ataatsimiinnerminni aalajangernerat:

Inassuteqaat akuerineqarpoq.

Ataatsimiititaliaq Inua-ni oqaluuserineqalerpat, suliamik saqqummiisut nassuiaateqarnissaat ataatsimiititaliaq Inoqarfimmit kissaatigineqarpoq, illu ukiuni 50-ini atuussimasup "saanii" qanoq siunissami akiuussinnaanissaat misissorneqarlutik atuussinnaanersut qulakkeerusunneqarmat.

**AALAJANGERNEQ:**

Ataatsimiititaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**

|                      |                                                               |                   |           |                    |  |
|----------------------|---------------------------------------------------------------|-------------------|-----------|--------------------|--|
| <b>Suliap nr.:</b>   | <b>21-006</b>                                                 | <b>Ilanng. nr</b> | <b>06</b> | <b>Journal nr.</b> |  |
| <b>Oqaluuserisaq</b> | <b>21-006 Qeqertarsuup eqqaani Kuannit misissorneqarnerat</b> |                   |           |                    |  |

**UTEQQIINEQ:**

Kommune Qeqertaliup Qeqertarsuup kangiani Kuannit takornarianut nittarsaanneqarnissaa pillugu saaffiginnissut Kristian Brobergimit tiguaa ulloq 6. Januar 2021. Saaffiginnissummi nunaminertap eqqissisimatinnegarnissaanik periarfissat arlallit tikkuartorpai, taama iliornermi takornariaqarneq kusanarluinnartumillu pinngortitaq pissusissamisoortumik illersorneqalissasoq aamma eqqaaneqarput.

**SULIAP SAQQUMMIUNNEQARNERA:**

Kuannit Qeqertarsuup kangiatungaaniipput aamma kuanninik pitsaasunik ukiorpassuarni aallerfiusarpoq. Sumiiffik taanna immikkuullarissuvoq aamma takornarianut nittarsaanneqarnissaminut piukkunnartuuvoq ilutigalugulu takornarianik sullissineq nakkutigineqartoq atorlugu illersorneqarsinnaalluni. Saqqummiussanit ataaseq Visit Greenlandimit taparserneqarpoq.

Pinngortitap immikkoortuinik takornarianik nakkutiginnilluni suliaqarneq nalinginnaasumik Ilisimatusarnermut Avatangiisinullu Naalakkersuisoqarfimmik suleqateqarluni eqqissisimatitsinissamik nalunaarusiornikkut pisarpoq. Nunamik eqqissisimatitsilerneq aamma ima atuuffeqarsinnaasarpoq; nunarsuup sinneranut nunaminertap pineqartup eqqissisimatinnegaleranata nittarsaanneqarneranut tamanna iluaqutaasarpoq, taassuma saniatigut pinngortitaq kusanarluinnartoq pigiinaarneqarsinnaasarluni. Eqqissisimatitsinissamik nalunaarutip suliaralugu aallartinneqarnissaa anguniarlugu nunaminertaq pineqartoq qanoq killilerneqassanersoq, eqqissisimatitsiniarluni suliniutissat aamma siunissami nunami pineqartumi pisartussat qulaajarneqarnissaannik piumasaqaataapput.

Taamaattumik kommunalbestyrelsi Kuanninik misissueqqissaarnermik aallartitsissasoq siunnersuutigineqarpoq, misissueqqissaarnermi eqqissisimatitsisoqassappat suliniutit suut aallartinneqassanersut aamma nunap pineqartup takornariaqarnikkut qanoq periarfissaqarnera misissorneqassapput.

**INATSISITIGUT TUNNGAVIUSUT:**

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

**KINGUNISSAI:**

Pinngortitap illersorneqarnera aamma Kuannit takornarianut kajungissaarutigineqarluni nittarsaanneqarsinnaaneramik periarfissaqarnerulerneq.

**ANINGAASATIGUT KINGUNISSAI:**

Aningaasaqarnikkut kinguneqartussaannigilaq.

**SULIAP SULIARINEQARFIA:**

Kommunalbestyrelsi

**INASSUTEQAAT:**

Allattoqarfiup ataatsimiititaliaq INOQARFIK ima inassuteqarfigaa

Misissueqqissaarnerup nalunaarusiarineqarnera aallartissasoq, taassuma Kuannit eqqissisimatinnegalerinissaannik periarfissat misissussavai aamma suliaq ataatsimiititaliamit INUA-nit kingornalu kommunalbestyrelsimit suliarineqartussanngorlugu nassiunneqassasoq inassuteqaataapput.

**ILANNGUSSAT:**

Ilanngussaq 06-01 Kuannit pillugit siunnersuut

**AALAJANGERNEQ:**

Ataatsimiititaliaq Inoqarfik ulloq 10. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**

Ataatsimiititaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**

|                 |                                                                                       |                        |          |  |                |
|-----------------|---------------------------------------------------------------------------------------|------------------------|----------|--|----------------|
| <b>Sags nr.</b> | <b>21-007</b>                                                                         | <b>ilanngussat nr.</b> | <b>1</b> |  | <b>Cpr.nr.</b> |
| <b>Sammisag</b> | <b>21-007 Siunnerfik - Suliniummut ataqatigiissaarisumik atorfirmik pilersitsineq</b> |                        |          |  |                |

**EQIKKAANEQ:**

Siunnerfik 28.-29. September 2020 ingerlanneqareernerata kingorna, allattoqarfik isumasioqatigiisitsinermi eqqartorneqartut aallaavigalugit nalunaarusiorpoq, suliniutissap ingerlariaqqinnissaanut suliassanik innersuussilluni. Taassumunnga atatillugu ataatsimiitsitaliaq INUA februar 17.-ani 2021 ataatsimiinnerminni, aalajangerpoq piaartumik suliniut Siunnerfik ataqatigiissaarisussamik atorfirmik pilersitsisoqassasoq.

**SULIAP SAQQUMMIUNNEQARNERA:**

Suliniutip Siunnerfik siunertaraa Kommune Qeqertalimmi Kommunalbestyrelsip, ukiunut tullittut tallimanut, meeqqanut inuusuttunullu suloriusissamik pilersitsinissaminut siunniussimasaa timitalerlugulu piviusunngortinnissaa. Taassuma ataani meeqqat atuarfianni angusat qaffassarnissaat, atuangitsoortarnerup apparsarnissaa kiisalu aanngajaarniutinik atuinerup annikillissarnissaa, kommunalbestyrelsimit aalajangiunneqarsimasut.

Suliniut Siunnerfik ajunngitsumik ingerlalluarluni kinguneqarluassappat pisariaqarpoq siammasissumik piginnaasalimmik ataqatigiissaarisoqarnissaa. Ataqatigiissaarisut suliassat akisussaaffissaalu pingaarnertut ukuussapput:

- Kommune Qeqertalimmi inoqarfinni tamani assigiimmik suliniut Siunnerfik ingerlanissaanut ataqatigiissaarissaluni
- Suliniummut atatillugu suliarnut tunngasunik paasissutissanik katersineq ataqatigiissarnissaa
- Avataaniit pitsaasumik suleqateqarneq qulakkeernissaa
- Suliniutip nittartagaa pilersinnissaa ataavartumillu inerisarnissaa immersorneralu isumagissallugu.
- Suliniummut, suleriutsinik pilersaarusiorneq taakkulu piviusunngortinnissai ataqatigiissassallugit
- Suliniutinik ataavartumik nalilersuisarnissaq
- Kommune iluani meeqqanut inuusuttunullu susassaqtut suliniummut peqataatitsineq
- Meeqqat inuusuttullu isumaat tusarniaaffigisarnissaanut akisussaasoq
- Suliunitinut avataaniit aningaasanik ujartuinerup ataqatigiissarnissaa.

Qulaani taajorneqartut saniatigut allanik suliassaqaarnissaq naatsorsuutigineqassaaq.

**Aaqqiissutissatut siunnersuut**

Allattoqarfiup innersuussutigaa qulaani piumasaqaatinik piginnaanilimmik atorfinitsitsisoqassasoq.

**ANINGAASATIGUT KINGUNISSAI:**

Atorfinitsitsinerup aningaasatigut kingunissai: Aningaasarsiaq ukiumut aningaasarsiat atorfininnermi isumaqatigiissutit AK , funktionsoverenskomst 01.04.2019-31.03.2023 §13 specialkonsulenter/seniorrådgiver malillugu aningaasarsiai ukiumut t.kr. 500 tikillugit aningaasartaqassaaq.

**KINGUNISSAI:**

- Suliniut Siunnerfimmik atorfinittussap akuerineqarnerta kingunerissavaa isumasioqatigiinnermi eqqartorneqartut suliassartaasa aallartinneqarsinnaanngornerat
-

**INATSISIT TOQQAMMAVIGINEQARTOQ:**

- Meeqqanut politiki, Kommune Qeqertalik
- Timi Tarnilu politiki, Kommune Qeqertalik
- Inuit politiki, Kommune Qeqertalik
- Kommune Qeqertalimmi anguniagaq missingersuut 2021
- Meeqqat tapersorsorneqarnissaanut inatsisartut inatsisaat nr. 20, 26.juni 2017
- Inuit innarluutillit tapersorsorneqarnissaanut inatsisartut inatsisaat nr. 13, 12.juni 2019

**INASSUTEQAAT:**

Allattoqarfiup inassutigaa:

- Siunnersuut akuerineqassasoq
- Aningaasartuutit konto 11-00 atorlugu akilerneqassasut
- Suliaq Kommunalbestyrelsimut akuerisassanngorlugu ingerlateqqinneqassasoq

**ILANNGUSSAT:**

Soqanngilaq

**AALAJANGERNEQ:**

Ataatsimiititaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

**AALAJANGERNEQ:**



|                   |                                                                           |                           |  |                    |                 |
|-------------------|---------------------------------------------------------------------------|---------------------------|--|--------------------|-----------------|
| <b>Suliap nr.</b> | <b>21-008</b>                                                             | <b>Ilanngussap normua</b> |  | <b>Journal nr.</b> | <b>01.00.03</b> |
| <b>Eqqartugaq</b> | <b>21-008 DSP Qeqertarsuaq sneescooterinik pisinissamut qinnuteqaataa</b> |                           |  |                    |                 |

**EQIKKAANEQ:**

Ulloq 3. Februar 2021, DSP siulersuisuiniit Kale Mølgaard mail-kut nassiussivoq sneescooterinik pisinissamut aningaasaliiffigeqqullutik.

Qinnuteqqaammi qamuteralaat pisiarineqarusuttut nutaat marluk Pilersuisumi nioqqutaaput. Qinnuteqaatip ilaatigut imarivaa illoqarfimmi meearpassuit inuusuttullu timersoqatigiiffiup sullitarigai, aammalu ersarissumik ilanngunneqarsimalluni illoqarfimmut annertuumik sammisassaqtitsinikkut pinaveersaartitsinikkullu suliaqarnertik. Ataarfiusartoq illoqarfimmiit 6 km. missaani ungasissuseqarpoq, taannalu ataartussanik assartuinissami annertuumik ajornartorsiutaasarluni. Arlalitsigut inuit angajoqqaallu namminneq qamuteralatik atorlugit ataarianik assartuisarsimapput. Immikkullu eqqaaneqarluni DSP-miik isumannaallisaaneq eqqarsaatigalugu qamuteralaat pisariaqartinneqartut.

Timi Tarnilu Qeqertarsuarmiit ilisimaneqarpoq timersoqatigiiffik pineqartoq annertuumik meeqqanut inuusuttunullu pitsaasumik sullissisuusoq, aammalu minnerunngitsumik pinaveersaartitsinermi illoqarfimmi sunniutilimmik suleqataasut, ilaasortarpassuaqartullu illoqarfiup inuttussusaa eqqarsaatigalugu. Weekend tamaasa sila atorsaatillugu ataartarfik meeqqanut, inuusuttunut, inersimasunullu annertuumik katersuuffiusarpoq. Minnerunngitsumik meeqqat ornitassaqartarlutik piffimmik peqqinnartumik toqqissisimanartumillu. Qularnanngilluinnarporlu timersoqatigiiffiup sullissinera annertuumik iluaqutaajumaartoq tamanut qamuteralannik peqalerpata.

Aningaasat eqqarsaatigalugit periarfissaqarpoq konto timersornermik tapiissutiniit qamuteralannik pisinissaq aningaasaliiffigineqassappat. Ukioq manna unammersuarnerit assigiinngitsut uninngammata aningaasartuutissat annikinnerussapput, minnerunngitsumik Qeqertarsuarmiit Avannaata Qimussersuanut peqataasoqarsinnaannginnera eqqarsaatigalugu. Taamaattumik konto-mi taaneqartumiit aningaasaliinissaq periarfissaavoq, allanut timersuutitut aningaasanik tapiinissamut kalluaanngitsumik.

**SULIAP SAQQUMMIUNNEQARNERA:**

Suliaq naatsumik erseqqissumillu nassuiarneqassaaq.

Piffissaq massakkumiit annertusiartortumik DSP ataartitsinerit ingerlattarpai, taannalu pisarpoq maj aallartinnerata tungaanut. Piffissamik kingullermi timersoqatigiiffimmiit aammalu illoqarfimmi annertuumik eqqartorneqartarpoq qamuteralaat atorneqartartut namminneq pigisat annertuumik pilliutigineqartarneri aammalu aserfallakkiartupallattaneri. Taamaattumik una piffissaq DSP annertuumik qamuteralannik pisariaqartitsivoq. Minnerunngitsumik angorusunneqarluni peqatigiiffimmut ilaasortat aalaakkaasuunissaat aammalu amerliartornissaat. Timersoqatigiiffiullu sulinera annertuumik iluaqutaallunilu sunniuteqarpoq illoqarfimmut assigiinngitsutigut. Timersoqatigiiffimmut annertuumik sullissineq pitsaanerulissaaq aammalu qamuteqaralaqanngitsut ataariarusuttut assartorneqanissaminnut ataariarsinnaalernissaminnullu periarfissaqalissallutik. Ilaatigut pisoqartarpoq meeqqat inuusuttullu ataariannngitsuuinnartariaqarlutik aqqutissaqannginneq pequtugalugu, ataartarfik illoqarfimmiit ungasimmat.

Qamuteralannik pisinissamut akuersisoqassappat, qamuteralannik paarsinissaq ingerlatsinissat, aserfallatsaaliinermut aningaasartuutissat timersoqatigiiffimmiit isumagineqarnissaat ingerlassasoq innersuunnarpoq. Tassami tamakkiisumik qamuteralaat timersoqatigiiffimmut tunniunneqassasut.

**ANINGAASATIGUT KINGUNISSAI:**

Timersornermik tapiissutitut konto-qarfimmiit tapiinissaq periarfissaavoq, taannalu aaqqissuussassanut kiisalu timersornermut angalanissanut allanut kalluaajunnarani, aammalu ukiup naanissanut sippuisoqassanani. Tassani pequtaalluni timersornerit arlaqartut ukioq manna uninnikuummata, minnerunngitsumillu avannaata qimussersuanut Qeqertarsuarmiit peqataasoqartussaanginnera eqqarsaatigalugu.

Konto atorneqartussaq: 62028.

Massakkut konto pineqartoq 1,2 mio. kr.-nik imaqarpoq. Qamumuteraluallu marluk coverissait ilanngullugit katillugit 165.988,00 kr.-nik nalillit pisiarineqassappata sinnerutissallutik 1 mio. kr. missai.

Ullunilu makkunani unammersuarnerit ammaanneqarnerini allanut timersoqatigiiffinnut angalanissanut tapiinissanut kalluaassanngillat.

Tapiisoqassappat pisinerup kingorna akissuuffik qamuteralannut tunngasoq timersoqatigiiffiup tigussagaa.

#### **KINGUNISSAT:**

Meeqqanik inuusuttuaqqanillu kiisalu innuttaasunik amerlasuunik annertuumik pinaveersaartitsinermik kinguneqassaaq.

#### **INATSISITIGUT TUNNGAVIUSOQ**

*Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq aamma Politikkikkut toqqammaviusumik isumaqatigiissut, Inuit Ataqatigiit, Atassullu Kommune Qeqertalimmi kommunalbestyrelse-mi suleqattigiinnissamik isumaqatigiissutaat 5. Marts 2019 imm.3:*

*“Kulturikkut naleqartitavut timersorneq, qimusserneq, nipilersorneq, erinarsorneq, isiginnaartitsineq, atuakkiorneq, filmiliorneq, inuiattullu nutaaliortuarnerput pingaartillugu ineriartortitsissuugut.”*

Kommune Qeqertalimmi tapiisarnermut ileqqoreqqusami allaqqasoqanngilaq

#### **SULIAP SULIARINEQARFIA:**

Kommunalbestyrelsi.

#### **INASSUTEQAAT:**

Timi Tarnilu Qeqertarsuarmiit kommunalbestyrelsimut inassuteqaatigineqarpoq:

- Qinnuteqaat akuerineqassasoq
- Aningaasat timersornermi tapiissutiniit akilerneqassasut (konto: 62028)
- Qamuteralaat marluk pisiarineqassasut

**ILANNGUSSAT:**

Ilanngussaq 08-01 qinnuteqaat

Ilanngussaq 08-02 Tilbud pilersuisumiik

**AALAJANGERNEQ:**

|  |
|--|
|  |
|--|

| Suliap nr. | 21-009                                                                                                                                      | Ilanngussap normua | 09 | Journal nr. |  |
|------------|---------------------------------------------------------------------------------------------------------------------------------------------|--------------------|----|-------------|--|
| Eqqartugaq | <b>21-009 <a href="http://www.qinersineq.online">www.qinersineq.online</a> Kommune Qeqertallip ilisarnaataata atornissaanik qinnuteqaat</b> |                    |    |             |  |

**EQIKKAANEQ:**

Nittartagaq [www.qinersineq.online](http://www.qinersineq.online) Kommune Qeqertalimmut saaffiginnippoq kommunip ilisarnaataa nittartakkami atorussullugu.

**SULIAP SAQQUMMIUNNEQARNERA:**

Nittartagaq [www.qinersineq.online](http://www.qinersineq.online) innuttaasut politikikkut suliniartut pillugit paasiniaasinnaaneranik ajornannginnerulersitsinissamik siunertaqarpoq, assersuutigalugu qinersinerni. Kommunip ilisarnaataa nittartakkami qulaani eqqaaneqartumi atorneqarsinnaanera kommunalbestyrelsimit akuerineqassappat, kommunip ilisarnaataa toorneratigut Kommune Qeqertallip nammineerluni nittartagaa iserfigineqartassaaq.

**ANINGAASATIGUT KINGUNISSAI:**

Aningaasatigut kingunissaqanngilaq

**KINGUNISSAT:**

Kommunalbestyrelsip kommunip ilisarnaataanik atorniartoq akuerissappagu, nittartakkallu siunertani angussappagu, Kommune Qeqertalik nunatsinni innuttaasunut imaluunniit nunatta avataaneersunut siammasissumik nittarsaanneqarnissa kingunerisinnaavaa.

**INATSISITIGUT TUNNGAVIUSOQ**

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi, § 2: "Kommunip ilisarnaataa kommunimi pineqartumi oqartussaasut kisimik atugassaraat. Taamaattoq ilisarnaatip atorneqarnissaanut qinnuteqartoqartillugu pinerit tamaasa allat ilisarnaammik atuisinnaanerannut kommunalbestyrelse akuersinnaavoq. Ilisarnaatip aningaasarsiutitut atorneqarnissaanut akuersineq sullissinermut akitsuutitut akiliuteqarnissaq piumasaqaatinngortinneqarsinnaavoq."

**SULIAP SULIARINEQARFIA:**

Kommunalbestyrelsi

**INASSUTEQAAT:**

Allattoqarfiup kommunalbestyrelsimut inassuteqaatigaa:

- Kommunip ilisarnaataata atornissaanik qinnuteqartoq akuerineqassasoq.
- Qinnuteqaat akuerineqarpat kommunip ilisarnaataa pitsaasoq (høj oplysning) qinnuteqartumut nassiunneqassasoq.
- Atorfilittat kommunalbestyrelsimit pisinnaatinneqassasut akuersissutip atorunnaarsinneqarasuarnissaanik, piffissap ingerlanerani takuneqarsinnaalissagalarpat nittartakkap [www.qinersineq.online](http://www.qinersineq.online) siunertani angusinnaanngikkaa imaluunniit kommunip ilisarnaataa eqqunngitsumik atorneqalissagalarpat.

**ILANNGUSSAT:**

- Ilanngussaq 09-01 Qinnuteqaat

**AALAJANGERNEQ:**

|  |
|--|
|  |
|--|

**ATAATSIMIINNEQ NAAVOQ:****ATSIORFISSAQ:**

Hansen, Ane

---

Olsen, Peter

---

Broberg, Bia A.

---

Nathanielsen, Karl Thue

---

Aronsen, Hans

---

Petersen, Thomas

---

Kristensen, Niels

---

Jeremiassen, Kristian

---

Jeremiassen, Nikkulaat

---

Sandgreen, Enok

---

Mølgaard, Timooq

---

Jeremiassen, Otto

---

Frederiksen, Ole I.

---

Broberg, Kristian

---

Kristensen, Naja

---